



UNIVERSITÄTS-
BIBLIOTHEK
PADERBORN

Catena Temporum

Andrian, Carl

Herbipoli, 1698

Series VII. Regna & Principatus extra Græciam

[urn:nbn:de:hbz:466:1-65485](https://nbn-resolving.org/urn:nbn:de:hbz:466:1-65485)

& Principatum extra Græciam 57

Elephantini Reges in eadem Ægypto ab Africano & aliquibus historicis referuntur quas tamen commentitias Dynastias cordati rejiciunt,

Cresà quo insula nomen accepit, in Creta regnat: post eum Juppiter hujus nominis primus.

Jovis nomen plurimis regibus olim commune: ita Vossius de Origin: Idolor: & Huetius in demonstrat: Evangel:

Siamus ut patrii scriptores affirmant, primus regnat in Hibernia 2281.

☉ Ab an. 2300. ad 2500. ☉

In Ægypto Pharaon Amesis sive Ramesis ut alij malunt, quo regnante Joseph ingressus est Ægyptum 2306.

In eadem Ægypto Reges Tanitæ dicti Paltæ: Quorum primus Salatis, seu Saites.

Inter alios ibidem Memphitarum Reges numerantur Amenophis II. seu Memnon* Orus, poëtis Busiris in hospites sævus* Thermutis Ori filia Mosis in fluvio expositi servatrix.

☉ Ab anno 2500. ad 2600. ☉

In Ægypto Reges Pastores usque ad finem Sæculi XII. post diluvium.

Inter Memphitarum Reges ibidem me-
me-

§§ *Ortus & Occasus Regnorum*
morantur Phraeo Cenchris, qui fugientes
Hebræos insequens rubri maris fluctibus
haustus cum suis interiit.

Trojæ Rex I. Dardanus Jovis & Eleætræ
filius, Atlantis nepos ab anno 2574. an. 31.
mox Erichthonius an. 65.

☉☉ *Ab anno 2600. ad 2700.* ☉☉

In Ægypto præter Tanitas pastores
regnant apud Thebanos, Maris* Siphos*
Phouron seu Nilus,

In Creta Juppiter Taurus à quo rapta
est Europa, post eum Minos, Rhadaman-
tus & Sarpedon ffr.

Trojæ Rex Tros à quo dicta Troja an 70
*Hujus frater Callirhoe pater Ili, Ganim-
dis & Assaraci, à quo genitus Anchises pater
Æneæ.*

☉☉ *Ab anno 2700. ad 2800.* ☉☉

In Ægypto Reges Thebani & Tanitæ
pastores.

In Creta Juppiter III. Saturni filius pul-
so patre: *Hujus fratres Neptunus & Pluto*
Trojani Reges: Ilius à quo Ilium an. 54
Laomedon an. 36.

Latij seu Aboriginum Rex I. Janus à
2722. an. 35. post eum Saturnus ex Creta
profugus an. 36. Picus filius 37.

☉☉ *Ab anno 2800. ad 2900.* ☉☉

In Ægypto regnante apud Thebanos,
Thum-

& Principatū extra Graciam. 59

Thumnosi, pulsi Pastores, qui post annos
13. redeunt iterum pulsi ab Amenophe:
In Creta Minos II. Ariadnæ, Androgei
& Phædræ pater.

Trojani Reges Priamus, sub quo Troia
everfa an. 40.

Latij Reges Faunus 44. Latinus 46.

Æneas Trojâ profugus ductâ Laviniâ:
Latini f. an. 4. Alcanius f. an. 38.

Lydorū R. primus Argon Herculis f. 2835.

Post eum ignoti successores ad Candaulē.

☉ Ab anno 2900. ad 3000. ☉

In Ægypto apud Thebanos ex Mane-
thone regnant Orus, sive is de quo dictum
sive alius ejusdem nominis. Mox tota re-
gio in ditionem unius redigitur. Memo-
rantur præcipuè Acentheres tres, Rha-
messes duo.

Latini Reges Sylvius posthumus an. 29.

Ab hoc Reges Alba dicti sunt Sylvij

Æneas Sylvius 31. Latinus II. 51.

Tyriorum Rex I. Abibalus 2984. & post
eum Hiramus f. Davidis amicus an. 60.

Sibdagerus primus tria simul regna pos-
sidet, Sueciam, Norwegiam, Gothiam.
3840.

Danus primus regnat apud solos Danos,
eisque nomen facit 2983.

Ab

60 *Ortus & Occasus Regnorum &*

Ab an. 3000 ad an. 3100.

In tota Ægypto Amenophis IV. & postea Sesostris seu Sethosis, & Sefonchis, in Sacris litteris Sefac qui victor latè per Asiam dominatus est.

Latini Reges: Alba Sylvius 39. Capetus 26. Capys 28.

Tyriorum Reges Baleazarus Hiramii filius, & post hunc usque ad Pygmalionem Reges 7. nullius nominis.

Hispanis Imperant Celtæ & Rhodii.

Ab anno 3100 ad 3200.

In Ægypto Rhamfes, mox Amenophis V. quibusdam Memnon & Ramesses, Latini Reges Galpetus 13. Tyberinus 9.

Ab hoc Tyberi nomen factum.

Aremulus Agrippa 41. Alladius five Aremulus Sylvius 19.

Tyriorum R. XII Pygmalion 47. Sichæo patruele per fraudem interempto infamis.

Carthago Urbs & Regnum 3166.

Regina Dido Tyria. Sed postea conversum est regnum in Rempublicam.

Ab anno 3200. ad 3300.

Ægyptiorum in Asia Imperium deficit.

Ægyptus in plures Regulos dividitur.

Celebrantur ex his Nicepsus, Nectos, Boc-

⊙ *Principatum extra Graciam. 61*

Bocchoris, Neccho fugiente cæsus à Sabacone Æthiope qui regnavit an. 50.

Latini Reges: Aventinus 37. *Nomen dedit Aventino colli, ubi sepultus est.*

Phocas 23, Amulius 18. Numitor 3.

Hispanis imperant Phœnices, quorum opes maritimæ ingentes.

⊙ *Ab anno 3300. ad 3400.* ⊙

In Ægypto Sous, ad quem missi ab Osea Israël Regis legati, Tauracus, mox Dodecarchia, quâ brevi sublatâ regnat Psammitichus.

Lydorum Reges Mermnadæ, quorum 1. Gyges occiso Gondaule 3340. reg. 36. añis.

Post hunc usque ad Cræsum Ardys * Sadiates * Alyates.

Romanorum Rex I. Romulus 3301. 37.

Interregnum an. 1 * Numa Pompilius 45

Tullus Hostilius 32.

⊙ *Ab anno 3400. ad 3500.* ⊙

Ægyptiorum Reges Nechao sive Nechos * Psamis * Apries.

Romanorum Reges Ancus Martius 24.

*Hic feciales instituit: Patres 300 minorum gentium legat * Tarquinius Priscus 38. Capitolium fundat * Servius Tullius an. 30.*

Carthaginensium opes Regulis finitimis domitis terrâ marique crescunt.

F

Ar-

62 *Ortus & Occasus Regnorum*

Arganteius regnat in Hispania.

Ambigatus Biturigum in Gallia Rex Celtis imperat.

☉ Ab anno 3500. ad 3600 ☉

In Ægypto Amasis Psammenitus ex Herod, & Diodoro: Mox Cambyfes regnum ad Persas transfert an. 3529.

Lydorum Regum ultimus Cræsus à Cyro captus an. 3520.

Romanorum Rex ultimus Tarquinius superbus 25.

Pellitur ob vim Lucretiæ illatâ à filio 3548

Consules creantur L. Jun. Brutus & Tarquinius Collatinus, eoque abdicante Valerius Publicola.

Dictator I. T. Lartius Flavius 3559.

Carthaginenses Hispaniæ Domini 3556.
Cappadociæ Rex Primus Pharnaces sororius Cyri.

Sicilia sub tyrannis Syracusanis 3569. facta iterum libera an. 3588.

☉ Ab anno 3600. ad 3700. ☉

In Ægypto post Persas indigenæ Nephæus & Tachon.

Romæ decemviri 3603. & post annos tres iterum Consules.

Ibidem tribuni militum consulari potestate aliquoties creati 3610.

Censores primò instituti 3611.

Romæ

⊕ *Principatum extra Græciam* 63

Romæ Servorum conjuratio detecta 3635

Sicilia iterum sub tyrannis 3648. Dionysio scilicet seniore & Juniore.

Anarchia Romæ 3678. per annos 5.

Consules Romæ confirmati 3688.

⊕ *Ab anno 3700. ad 3800.* ⊕

In Ægypto, fugiente ultimo Regum Nebano, Persæ iterum usq; ad Alexandrum Magnum dominantur.

Carthaginenses terrestribus maritimisque opibus præpollentes terrarum imperium affectare incipiunt.

Romani post Tarentinos, Picentes & Salentinos domitos totius Italiæ domini.

Sicilia iterum libera 3708 Romanorum beneficio.

Fergusus ex Hibernia vocatus initium dat Scotorum Regno.

⊕ *Ab anno 3800. ad 3900.* ⊕

Ponti, Bithyniæ, Armeniæ, Reges post Alexandrum Magnum exorti.

Pergami Princeps I. Phileterus Spado, cui succedit Fr. Eumenes 3789.

Romani Siciliam I. mox Sardiniam & Hispaniam, Carthaginensibus victis, in Provinciam redigunt, eamque dividunt in ceteriorem & ulteriorem.

Pergami R. I. Attalus I. Eumenis filius 3812. mox Eumenes II. & Attalus II.

64 *Ortus & Occasus Regnorum*

Parthorum Rex I. Arsaces, à quo Arsacidarum Familia & Reges posterius Arsaces 3808. huic succedunt Arsaces II. Priapactus & Phraates I.

☉ Ab anno 3900. ad 4000. ☉

Romani eversâ Carthagine Africæ Domini victis Achæis, deletâ Corintho, Græciam in provinciam redigunt 3908.

Pergami Rex Attalus III. populum Romanum regni & opum suarum hæredem scribit 3921.

Gallia Narbonensis fit Romanorum Provincia 3933.

Africani Junioris & Marij in Africa, Syllæ & Pompeij in Asia, Cæsaris in Europa victoriis Rom. propagatur Imperium. *Vol. 7*
la Dictator ab an. 3972. ad 3975.

Ciceronis Cos. prudentiâ & vigilantia Respublica à nefariis Catilinæ consiliis liberata an. 3991.

Parthis imperant Mithridates I. * Phraates II. * Artabanus I. * Mithridates Magnus. * Orodes Crassi victor. *

☉ Ab anno 4000. ad 4053. ☉

Romani in Europa, in Africa, in Asia, rerum latè potiti, Reges omnes finitimos vel socios habent, vel vectigales, ac tandè Ægypti, quod unum supererat è Græcorum Imperio, Regnum occupant 4024.

Par-

¶ *Principatum extra Graciam. 65*

Parthis imperant Phraates III. * Tyridates, & Phraates IV.

Scotorum historici Metallanum decimū septimum Regum suorum numerant.



SERIES VIII.

Bella post diluvium usque ad Christum.

☉ *Ab an. 1657. ad 2039.* ☉

Ninus Latius imperandi studio flagrans Narmis imperium primus propagat, pluribus Asiæ populis domitis.

Idem circa annum conditi orbis 1990. Rege Zoroastre debellato Bactris potitur.

Semiramis Virago Media, Perside, Ægypto aliisque provinciis subactis cum Indis felici principio, exitu tristi bellum gerit.

Bella inter Vexorim Ægypti, & Tanaim Scythiæ Regem. Antiquiora ex Trogo Justinus memorat, sed vel obscura vel fabulosa censentur.

☉ *Ab anno 2039. ad 2300.* ☉

Ismaël Abrahami f. Arabiam bellando subigit 2261. *Salianus*. Ex eo feroces belligentes progenitas, Ismaëlitas, Agarenos,

F 3

Ara-